

RAZREDNI PROJEKAT

„PROĐOH BOSNOM KROZ GRADOVE“

Ime i prezime	Lejla Kovačević
Škola	JU OŠ „Lukavac grad“ Lukavac
Pozicija	Nastavnica razredne nastave
Razred	II-4
Period realizacije	1.4.-5.6.2021. (sedmično putovanje)
Korelacija među predmetima	Moja okolina Bosanski/hrvatski/srpski jezik i književnost Muzička kultura Likovna kultura
Tip aktivnosti	Vannastavna aktivnost

CILJEVI I ZADACI AKTIVNOSTI

ODGOJNI	OBRAZOVNI	FUNKCIONALNI
<ul style="list-style-type: none"> • upoznavanje Bosne i Hercegovine i njenih prirodnih i drugih ljepota • upoznavanje kulturno-historijskih spomenika • upoznavanje sa muzičkom tradicijom i sevdalinkom • pravila ponašanja u prirodi • kako očivati prirodu • ponavljanje gradiva naučenog iz moje okoline tokom redovne nastave 	<ul style="list-style-type: none"> • nabrojati neke od gradova našeg putovanja • imenovanje mesta koje smo posjetili (spomenici i prirodne ljepote) • usvajanje pojma sevdalinka i imena izvođača/prvak BH sevdalinke • usvajanje teksta pjesme „Prođoh Bosnom kroz gradove“ • imenovanje pravila ponašanja u prirodi, te načine na koji se trebamo odnositi prema našim prirodnim ljepotama • usvajanje pojedinosti o pojedinim ličnostima koje smo upoznali na putovanju • ponavljanje gradiva naučenog iz moje okoline tokom redovne nastave (voće,povrće,životinje,...) 	<ul style="list-style-type: none"> • razvijanje ljubavi prema Bosni i Hercegovini i njenim ljepotama • značaj poznavanja svoje domovine • upoznavanje sa načinom i brigom o prirodnim ljepotama i spomenicima • razvijanje ljubavi prema pjesmi sevdalinci • osluškivanje vlastitih osjećaja tokom online putovanja • prisjećanje putovanja na koja su učenici išli ranije (pričanje događaja i doživljaja, opis mjesta koja su pojsjetili) • razvijanje umjetničke slobode likovnog i drugog izražavanja • razvijanje maštete i kreativnosti koristeći različite materijale i tehnike rada

NASTAVNE METODE

Metoda verbalne komunikacije, metoda pisanja, metoda istraživanja, metoda likovnih radova.

<https://www.youtube.com/watch?v=nS08-3TcqNE>



Danas krećemo na naše prvo razredno putovanje. Obilazak počinjemo iz naše učionice sa pjesmom Safeta Isovića, doajena BH sevdalinke. Autobus je spreman, a na ovo putovanje Bosnom I Hercegovinom kroz gradove svoje učenike vodim sama. I turistički vodič i vozač autobra na ovom putovanju će biti učiteljica. Tokom putovanja ćemo voditi razredni dnevnik putovanja, pojedinačne putopise, te zidni pano.

Koferi spakovani, sa roditeljima smo se pozdravili i brmmmm brmmmm....

(Napraviti razredni logo „autobus sa putnicima“, zajednički ga obojiti i ukrasiti jer narednih dana je autobus naša učionica.)

ODREDIŠTA

1. TUZLA

Tuzla je grad u našoj blizini. Tuzla je administrativni centar našeg Tuzlanskog kantona.

Planirana je posjeta sljedećim lokacijama:

- Kompleks slanih jezera „Panonika“
- Posjeta slanim bunarima
- Posjeta centralnom gradskom parku
- Posjeta „Kapiji“

Zadaci:

- ✓ Od plastelina izraditi model statue iz gradskog parka, zaštitni znak grada Tuzle – KOZA
- ✓ Saznati kako se od slane vode dobija SO kao gotov proizvod – RAZREDNI EKSPERIMENT
- ✓ Od papira izraditi cvijet/buket cvijeća – KAPIJA, POLAGANJE CVIJEĆA
- ✓ Izrada razglednice „POZDRAV IZ TUZLE“

<https://www.youtube.com/watch?v=AL3Wm9eKAnY>

(TUZLA IZ ZRAKA)

<https://www.youtube.com/watch?v=-S30qPsAitM>

„Gornju Tuzlu opasala guja“ – Safet ISOVIĆ

2. SARAJEVO

Sarajevo je glavni grad Bosne i Hercegovine. Grad i okolina obiluje mnoštvom kulturnih i historijskih znamenitosti. Na okolnim planinama ovog grada su 1984. godine održane Zimske olimpijske igre. Ne može se dobiti status posjetioca ovog grada ako niste posjetili Baščaršiju, stari dio grada koji je riznica starih zanata i prošlih vremena. U okolini Sarajeva je i izvor/vrelo rijeke Bosne. Sarajevo danas ima i jednu od najpoznatijih BH turističkih atrakcija, trebevićku žičaru.

Planirana je posjeta sljedećim lokacijama:

- Baščaršija
- Trebevićka žičara
- Olimpijske planine
- Vrelo Bosne

Zadaci:

- ✓ Od materijala iz učionice izraditi komad svog nakita – STARI ZANATI
- ✓ Izraditi logo Zimskih olimpijskih igara u Sarajevu – KRUGOVI U IGRI
- ✓ Izrada razglednice „POZDRAV IZ SARAJEVA“

<https://www.youtube.com/watch?v=NnE84wekeNY>
„Jel' Saraj'vo gdje je nekad bilo“- Dino MERLIN

3. MOSTAR

Mostar je jedan od najvećih gradova u Hercegovini. Slavu je stekao po ljepoti Starog mosta, koji i danas krasи ovaj grad zajedno sa Neretvom. Sa ovom mosta se svake godine održavaju tradicionalni skokovi. Most je tokom ratnih dešavanja bio srušen, ali neimari su ga ponovo igradili. U blizini Mostara je nalazi i vrelo Bune, ljepotice ovog kraja. Na samom vrelu je izgrađena i tekija koju turisti posjećuju tokom cijele godine.

Planirana je posjeta sljedećim lokacijama:

- Stari most
- Mostarski dućani
- Vrelo Bune

Zadaci:

- ✓ Izrada makete „STARI MOST“, materijal: stiropol, kamen,papir, ljepilo, drveni elementi
- ✓ Slikanje portreta „EMINA“, Alekса Šantić
- ✓ Izrada razglednice „POZDRAV IZ MOSTARA“

<https://www.youtube.com/watch?v=cTBfD2YSOlo>
„Emina“ – DIVANHANA (Alekса ŠANTIĆ)

4. TRAVNIK (VLAŠIĆ)

Travnik je nekada bio glavni grad Bosanskoga ejaleta. I kao takav je i danas bogat historijom. U Travniku su rođeni i mnogi poznati ljudi. Jedan od njih je Ivo Andrić, pisac koji je nosilac Nobelove nagrade za književnost. Njegova rodna kuća je i danas otvorena za posjete. I tu, baš kao i tada da se nižu riječi, rečenice, knjige...

Iznad Travnika je jedna od planina ljepotica Bosne-Vlašić. Danas je Vlašić- Babanovac turistički centar zimskog turizma. Tu, na Vlašiću je i TORNJAK. Prvi bosanskohercegovački pas koji je priznat od strane kinološkog saveza i uписан u knjigu kao Bosanski tornjak.

Ski staze su zimi privlačne za sve turiste, pa i za nas. Vlašić obiluje pašnjacima pa samim tim se ljudi u okuženju bave stočarstvom. Vlašićki sir je jedan od delikatesa naše bosanske kuhinje.

Zadaci:

- ✓ Slikanje: TORNJAK NA VLAŠIĆU
- ✓ Izrada razglednice „POZDRAV IZ TRAVNIKA/POZDRAV SA VLAŠIĆA)
- ✓ Konzumiranje vlašićkog sira

<https://www.youtube.com/watch?v=FiyNN6W6meo>
(SKIJANJE NA VLAŠIĆU)

5. JAJCE

Jajce je jedini grad u Evropi u kojem se nalazi vodopad u užoj jezgri grada. Vodopad u Jajcu je proglašen za jedan od 12 najljepših vodopada na svijetu. Vodopad doseže visinu od 18 metara. Grad i okolina grada obiluje prirodnim ljepotama. U Jajcu se nalazi i tvrđava, koja je i danas zanimljiva destinacija turistima.

Mlinčići u Jajcu su postojali još od 1562.godine. Ovdje se danas nalazi 20 mlinova, koji krase prirodne ljepote i Mlinčići su proglašeni nacionalnim spomenikom Bosne i Hercegovine.

Plivska jezere se nalazi samo par kilometara udaljeno od grada. To je najveće prirodno jezero u Bosni i Hercegovini.

Medvjed kula je prastara građevina u Jajcu, i pripada odbrambenim kulama. Kažu da je kula dobila ime po svojoj veličini, glomazna i velika kao medvjed ili po tome što su zarobljenici bacani medvjedima. Šta je istina, ne zna se.

Katakcombe su najmisteriozniji dio Jajca. Stijene su ručno klesane i nalaze se odmah pored Medvjed kule u samom centru grada. Napavljeni su početkom 15. vijeka.

Muzej AVNOJA-a je istorijski muzej u kome je 29.11.1943. godine održano II Zasijedanje AVNOJA. Ali, o ovoj temi ćemo u višim razredima, na časovima historije.

Zadaci:

- ✓ Izrada makete „MEDVJED KULA“, materijal: stiropol, kamen,papir, ljepilo, drveni elementi
- ✓ Slikanje prirodnih ljepota „VODOPAD“
- ✓ Izrada razglednice „POZDRAV IZ JAJCA“

<https://www.youtube.com/watch?v=hHTvX0fzO4k>
(JAJCE IZ ZRAKA)

6. BIHAĆ

Bihać je grad koji obiluje prirodnim ljepotama, tako da slobodno možemo reći da je cijelo područje Bihaća i okoline Nacionalni park Una. Nacionalni park Una samim imenom govori sa kakvom rijekom ljepoticom se ovaj grad ponosi. Una (jedina) važi za najčistiju rijeku u Bosni i Hercegovini. Upravo radi prirodnih ljepota same rijeke i okoline smo danas došli u ovaj grad. U ovom nacionalnom parku živi medo Ljutoč, živi čovječja ribica i mnoge druge rijetke životinje. Nacionalni par je bogat srednjovjekovnim gradovima. Ali u Bihać smo prvenstveno došli radi Une i njene ljepote.

Zadaci:

- ✓ Putokaz do mede Ljutoča
- ✓ Japodski otoci, srce za prirodu
- ✓ Izrada razglednice „POZDRAV SA UNE“

<https://www.youtube.com/watch?v=QY0w2jKqknw>
(NACIONALNI PARK UNA IZ ZRAKA)

7. GRADAČAC

Gradačac je naša posljednja stanica na ovom našem prvom putovanju. U Gadačcu se zaustavljamo da obiđemo čaršiju i kulu Husein kapetana Gradaščevića, heroja Bosne. Husein kapetan Gradaščević je bio jedna jako važna historijska ličnost. Za njegovo vrijeme je Bosna dobila na snazi. Kula je i danas otvorena za posjete, a pogled sa njenih zidina je predivan. Gradačac je kraj bogat voćem, posebno šljivom. Svake godine na kraju ljeta u ovom gradu se održava i sajam šljive, poznatiji kao ŠLJIVAREVO.

Zadaci:

- ✓ Slikanje :ŠLJIVIK, BEHARLI GRANA
- ✓ Slobodan izbor: KORPA SA VOĆEM
- ✓ Izrada razglednice „ POZDRAV IZ GRADAČCA“

„Sa Gradačca bjele kule“- Safet isović

<https://www.youtube.com/watch?v=MKoS-PVg338>

Nakon povratka sa ekskurzije svi putnici svoje putopise dovršavaju, te zajednički popunimo naš zajednički putopis . Na kraju putovanja zamoliti ćemo roditelje da nam napišu svoje utiske o putovanju, a kroz koje su putovali u mislima zajedno sa nama.

Lejla Kovačević, prof.razredne nastave